



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 23. Errores Gilberti Porretani.

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

Sæcul. XII. quadragesimo septimo, eandem viam ac
 A. C. 1147. Rex Conradus per Germaniam & Hun-
 gariam tenens; sed divisis exercitibus
 proficiscebantur, ob enormem hominum
 multitudinem & diversum tot nationum
 genium, unde rixarum occasio facile na-
 sci potuisset. Utrumque Regem Lega-
 ti Papæ comitabantur, & Regem Roma-
 norum quidem Theotinus, ex gente Ger-
 manorum, Episcopus Portuensis, Regem
 vero Francorum Guido Florentinus,
 Cardinalis Presbyter Titulo S. Chryso-
 goni.

§. XXIII.

Errores Gilberti Porretani.

to. 10. Conc. Eugeni-
 p. 1105. & sto Papa Parisiis versatus, in Fe-
 1121. sto Paschæ, quod hoc anno millesimo
 centesimo quadragesimo septimo in diem
 vigesimam Aprilis incidebat, Conven-
 tum celebravit, in quo errores Gilberti
 Porretani, Episcopi Pictaviensis, ad exa-
 men vocati. Hic Præsul, Pictavii natus,
 maxima vitæ suæ parte in variis Franciæ
 urbibus Philosophiæ studuerat, & Præ-
 ceptores habuerat, præter alios, duos fra-
 tres Anselmum & Rudolphum Laudu-
 nenses. Ipse quoque clarissimus Magi-
 ster existimabatur, morum gravitate con-
 spicius; sed plus justo capiebatur sub-
 tilibus Dialecticæ quæstionibus. Ponti-
 ficatus Eugenii anno primo, scilicet mil-
 lesimo

*Gauf. Cla-
 raval.
 v. Mabill.
 Præf. in
 Bern. n. 52.*

lesimo centesimo quadagesimo quinto, Sæcul. XII.
 Gilbertus coram eo ab Arnaldo, cui co- ^{A C, 1147.}
 gnomentum, *nunquam videns*, & Calone,
 Ecclesiæ Pictaviensis Archidiaconis, ac-
 cusatur, quod non nullas propositiones
 de Sancta Trinitate, quæ adversus sanam
 Doctrinam pugnare viderentur, in pu-
 blica Synodo protulisset. Cum duo isti
 Archidiaconi viæ se dedissent, Romam
 ituri, & Papam, in Franciam proficiscen-
 tem, Senis habuissent, ille, cognita eorum
 itineris causa, ipsos ad Festa Paschalia
 Parisiis adesse iussit, ubi propter Litera-
 torum virorum copiam commodius huic
 causæ vacare posset. Archidiaconi er-
 go in Franciam reducés, S. Bernardum
 consuluerunt, atque ad postulandam Gil-
 berti errorum damnationem excitarunt.

Concilium Parisiis præstituto tempo-
 re celebratum. Præerat Papa, complu-
 ribus Cardinalibus, S. Bernardo & ma-
 gno doctissimorum virorum numero præ-
 sentibus. Producuntur contra eum duo
 Magistri, Adamus *de parvo ponte*, Eccle-
 siæ Parisiensis Canonicus, & Hugo *de*
Campo florido Regis Cancellarius, qui,
 edito juramento, affirmarunt, quod non
 nullas propositiones, quæ ipsi objicieban-
 tur, ex ipsius ore audivissent. Præterea
 contra Gilbertum quædam excerpta ex
 ejus Commentario in Boetium in me-
 dium prolata sunt. Errores præcipui

E 5 vero,

Sæcul. XII. vero, ei objecti, sequentes erant: *Quod*
A. C. 1147. *assereret, Divinam Essentiam non esse*
Deum. Quod proprietates Personarum
non essent ipsæ Personæ. Quod Theolo-
gica Personæ in nulla prædicarentur pro-
positione. Quod Divina Natura non es-
set incarnata, sed tantum Persona filii.
 Gilbertus vero Episcopus negabat, quod
 unquam scripsisset vel dixisset, Divinita-
 tem non esse Deum, testesque adduce-
 bat duos ex Discipulis suis, Rudolphum
 Episcopum Ebroicensem, postea Archie-
 piscopum Rotomagensem, & Magistrum,
 nomine Ivonem, Carnotensem, qui Cano-
 nicus S. Victoris, ab Innocentio II. Car-
 dinalis creatus, fuisse creditur. In hoc
 Conventu per aliquot dies Gilbertus
 Episcopus Sancto Bernardo adversario-
 rum nullum acriorem sensit. Sed Papa
 hujus rei definitionem ad Concilium an-
 no sequente in medio Quadragesimæ
 celebrandum distulit.

§. XXIV.

Henriciani Hæretici.

vit. Bern.
lib. 3. c. 6.

Eodem anno millesimo centesimo qua-
 dragesimo septimo Eugenius Papa
 Tolosam cum potestate Legati misit Al-
 bericum, Episcopum Ostiensem, superio-
 re tempore in Anglia iterumque in Sy-
 ria Sedis Apostolicæ Legatum; tunc ve-
 ro ad Doctrinam Henrici, Petri *de Bruis*
 Disci-